

هو الانور

عینتاب احبای الهی ملاحظه نمایند

هو الانبی

ای دوستان یزدان کوکب پیمان و صبح نورانی میثاق آفاقه پرتونشار اولنجه گوزی آچیق اولان مشتاقان دیده‌لری پرنور و گوگللری مسرور و سینه‌لری صحرای طور اوله‌رق تجلیات رحمانیتله فیض حبور بولدیلر اما گوزلری کور و گوگللری زنگ جهالت ایله پاسلانونب خور اولان خفاشان ناقضان صقیلوب هر بری بر حفره نکبت و فتوره صوقولوب ظلمات شبهات و حفرات مفتریاته اوغرایوب کیمی بو صباح دگل کیمی بو طریق نجاح دگل کیمی انوار غائب و ظلمات غالب‌در دیو ترهات ایله تفوه ایتمگه باشلینجه صبح حقیقت شعاع ساطعنی و نور لامعنی صالیوپردی خفاشان پشیمان و طیور لیل اسیر نکبت و ویل اولدیلر ایسه‌ده نه چاره النار و لا العار الجاء آتیه تعصب و عناده التزام ایده‌رک میثاق الهینک نصّ جلیلنه و امّ الکتابک برهان و دلیلنه مقاومت ایتمک استیورلر آه آنلره واه آنلره فسوف یرون انفسهم فی خسران مبین ع ع

این سند از [کتابخانه مراجع](http://www.bahai.org/fa/legal) دیجیتال داندلود شده است. شما مجاز هستید از متن آن با توجه به مقررات مندرج در سایت www.bahai.org/fa/legal استفاده نمایید.

آخرین ویراستاری: ۱۷ آوریل ۲۰۲۳، ساعت ۵:۰۰ بعد از ظهر